

Uunga siunnersuut:

**Inatsisartut inatsisaat nr. xx xx. xxx 2021-imeersoq Nuummi Qasigiannuani Aasiannilu
erngup nukinganik nukissiorfissat taakkununngalu atortussat
anigaasalersorneqarnissaannut ingerlanneqarnissaannullu sinaakkusersuutit**

Atuuffia

§ 1. Inatsisartut inatsisaatigut aalajangersarneqarput atugassarititaasutut killiliussat sanaartornermut, anigaasalersuinermit aamma ingerlatsinermit atasut, taakkununngalu atortulersuutissat, Nuummut kiisalu Qasigiannuanut aamma Aasiannut erngup nukinganik nukissiuutit iluaqutigalugit pilersuinermit atatillugu.

*Sanaartorneq aamma erngup nukinganik iluaquteqarluni nukissiorfimmik pioreersumik
taakkununngalu atortulersuutininik allilerineq*

§ 2. Naalackersuisut Utoqqarmiut Kangerluarsunnguanni erngup nukinganik iluaquteqarluni nukissiorfik Nuummut pilersuisoq alliniarpaat, aammalu erngup nukinganut nukissiorfimmik nutaamik Qasigiannuanut aamma Aasiannut pilersuisussanik sanaartorniarlutik.

§ 3. Utoqqarmiut Kangerluarsunnguanni erngup nukinganik iluaquteqarluni nukissiorfimmik Nuummut pilersuisumik allilerinermit ilaapput:

- 1) nukissiorfimmik innaallagialiummik nutaamik pilersitsineq, innaallagissap aqqutaanut maanna nukissiuutit Utoqqarmiut Kangerluarsunnguanni pioreersut aqqutaannut teknikkimut atortulersuutit tamatumani ilaasut ilanngullugit, nukissiorfimmik sillimmatit inissimasussamut atortulersuutininik pioreersunut ilanngunneqarsinnaasumut ilanngullugu attavilerneqartussamik, attaveqaasersuutininik taakkununngalu ilaasunut atortussanik allanik, aamma illutanik ilaqartussamik, aamma
- 2) sullorsualiorneq maanna nukissiorfiup imeqarfigisaata Kangerluarsunnguup tasiata aamma Isortuarsuup tasiata akornanni.

§ 4. Erngup nukinganik iluaquteqarluni nutaamik Qasigiannuanut aamma Aasiannut pilersuisussamik sanaartornermit ilaapput:

- 1) nukissiorfissamik nutaamik sanaartorneq kangerluup Kangersunerup eqqaani inissimasussamik, teknikkimut atortulersuutit tamatumani ilaasut ilanngullugit, sillimmatit atortulersuutitalimmik, attaveqaasersuutitalimmik atortunillu tamatumunnga ilaasunik allanik ilalimmik aamma illutassanik ilalimmik,
- 2) sullorsualiorneq tatsit Kuussuup tasiata aamma Qinngap Ilulialeeraata akornanni,
- 3) imm. 1-imi pineqartup erngup nukinganik nukissiorfiliamiit innaallagissap aqqutaanik Qasigiannuanut aamma Aasiannut sanaartorneq.

4) Qasigianguani aamma Aasianni erngup nukinganik nukissiorfimmit nutaamit tunisisarnissap qulakkeernissaanut attaveqaatit.

Sanaartukkanik erngup nukinganik iluaquteqarlunilu nukissiorfinnik pioreersunik allilerinernik atortulersuusersuinernillu aningaasalersuineq

§ 5. Tamakkiisumik imaluunniit ilaannakuusumik suliniummi ilaasunut sanaartugassanut inatsimmi ilaasunut Naalakkersuisut aningaasaliissutissanik attartorsinnaapput, akiitsut ataatsimut annerpaaffissaat 3,1 mia. DKK-it iluanni.

Imm. 2. Naalakkersuisut attartukkatut aningaasaliissutissat imm. 1 naapertorlugu Nukissiorfinnut attartorteqqissinnaavaat, inatsit naapertorlugu sanaartugassat aningaasalersorneqarnissaannut atatillugu.

Imm. 3. Imm. 2-mi eqqaaneqartut aningaasanik attartortitsinerit ingerlanneqarsinnaanngillat atugassarititaasut Naalakkersuisut aningaasanik attartornermikku pissarsiarisimasaannit pitsaannerusunik tunngaveqartillugit.

Imm. 4. Naalakkersuisut Nunatta Karsiata ernianut aningaasartuutaannut matussutissanik ernialiisarneq, aamma Nunatta Karsiata taarsigassarsiarititaanut, imm. 2-mi taaneqartunik matussutissatut akiliutit pillugit maleruagassanik aalajangersaasinnaapput.

§ 6. Naalakkersuisut pisinnaatitaapput sanaartornermut, aningaasalersuinermit aamma ingerlatsinermit iluaqutissartaqarpat namminersortumut imaluunniit namminersortunut arlaqartunut isumaqatigiissuteqarsinnaanermut sanaartornermut, aningaasalersuinermit aamma ingerlatsinermit sanaartukkanut tunngatillugu, aammalu piffissap ersarinnerusumik aalajangersarneqartup iluani erngup nukinganik iluaquteqarluni nukissiorfiit atortulersuutitaat ilanngullugit Naalakkersuisunut tunniunneqarsimanissaannik.

Erngup nukinganik iluaquteqarluni nukissiorfissanut atortulersuutitalinnut tunngatillugu neqeroortitsineq

§ 7. Inatsisartut inatsisaat manna naapertorlugu sanaartugassanik aammalu sanaartorneq pillugu neqeroortitsineq pisinnaavoq nunat tamalaat akornanni neqeroortitsinertigut, aammalu nunat tamalaat akornanni ileqqusut naapertorlugit neqeroortitissanik piniarnertigut.

Imm. 2. Sanaartornermi neqeroortitsisarneq pillugu Inatsisartut inatsisaat imm. 1 naapertorlugu sanaartortitsinernut atortinneqanngilaq.

Nunamut tamarmut pilersaarummi peqqussutit

§ 8. Naalakkersuisut nunamut tamarmut pilersaarusiornikkut tunngavissiami ersarinnerusumik aalajangersaasinnaapput erngup nukinganik iluaquteqarluni taakkualu atortulersuutissaannut, Nuummuk kiisalu Qasigianguanut aamma Aasiannut pilersuinissamut atugassarititaasussanik ersarinnerusunik, Inatsisartut inatsisaat manna naapertorlugu aalajangersarneqartunik.

Imm. 2. Naalakkersuisut aalajangersinnaapput nunamut tamarmut pilersaarusionermut tunngavissiaq immikkuualuttortalersukkanik aalajangersagartaqartoq sumiiffiup ilaanut atortinneqartussanik ilaqartoq erngup nukinganik iluaquteqarluni nukissiorfiliornermut Nuummumut aamma Qasigiannnguanut aamma Aasiannut pilersuinissamut atortinneqartussaq pillugit, Inatsisartut inatsisaat manna naapertorlugu, taannalu kommunitut pilersaarutitulli inatsisitigut atortinneqassasoq.

Pinngitsaaliissummik taarsiissutitalimmik pigisanik aalaakkaasunik arsaarinnittarneq

§ 9. Naalakkersuisut piginnaatinneqarput pinngitsaaliissummik taarsiissutitalimmik pigisanik aalaakkaasunik piginnikkunnaarsitsinikkut illuutinik aalajangersimasunik tiguisinnaanermut, tamatuma sanaartugassanik erngup nukinganik nukissiorfiliornermut atatillugu pisariaqassusia naapertorlugit, Nuummumut aamma Qasigiannnguanut Aasiannullu Inatsisartut inatsisaat manna naapertorlugu pilersuinerneq atatillugu. Pigisanik aalaakkaasunik pinngitsaaliissummik arsaarinnittarneq Pigisanik aalaakkaasunik arsaarinnissuteqartarneq pillugu Inatsisartut inatsisaat naapertorlugu pisassaaq.

Naqissusiinikkut pisortanut akitsuut

§ 10. Pappialaatit, attartornerneq atatillugu pappialaatit, naqitanngorlugit suliarineqarneri aamma uppersaatit il.il., pilersitanut aamma sanaartukkanut Inatsisartut inatsisaannut matumunnga atatillugu suliaasut, pisortanut naqissusiinikkut akitsuusigassaatitaanngillat.

Imm. 2. Naqissusiinikkut akitsuummik akiliisussaatitaannginnerneq ilaapputaaq pappialaatit aamma attartornerneq atatillugu pappialaatit il.il. pigisanik nalilinnik tunniussinerni imm. 1 naapertorlugu suliaasut.

Atuutilerfia

§ 11. Inatsisartut inatsisaat una atortuulerpoq ulloq 1. januaari 2022.

Namminersorlutik Oqartussat, ulloq xx. xxx 2021

Naalakkersuisut Siulittaasuat